

## **Societas Iesv Amatrix, Cultrix, Imitatrix, Christi Crvcifixi**

**Sandaeus, Maximilianus**

**Antverpiae, 1647**

85. Moriturus Christi de Cruce pendentis sigillum per Vulnera dissuaviatur,  
& exspirat. Jacobus Alvarez de Paz, Hispan.

---

---

**Nutzungsbedingungen**

[urn:nbn:de:hbz:466:1-55449](#)

## IMITATRIX CRVCIFIXI. 143

tas postulet, ejus esse recordationem illi  
doleret, ad eam excitandam suos inter  
populares, quām diligentissimē incu-  
buit.

Ejus enim opera factum accepimus,  
ut sextā quāque feriā sub meridiem,  
pullato ære campano, ejus horæ cives  
admoneretur, quā occidente CHRISTO  
CRVCIFIXO salus omnibus orta est.

Eodem satagente, passim tota Siciliā,  
propè urbes, eidem memoriæ conser-  
vandæ caussâ, Ædiculæ sunt excitatæ,  
in quibus, qui animi caussâ obambu-  
lantes prodeunt cives prompta quædam  
habeant incitamenta, &c., si libeat intra-  
re, per fugia pietatis.

*Iohannes Rhœ lib. 3. hist. var. virg. cap. 2.*

## V.

## AMATOR CRVCIFIXI

*Moriturus Christi de Cruce pendentis  
sigillum per Vulnera dissuaviatur,  
& expirat.*

**J**ACOBVS ALVAREZ DE PAZ Hispanus  
vir fuit omni virtute ornatissimus.  
Sensus omnes suos aut odiebat diligen-  
tissimē. Victus illi tam tenuis erat, ut  
meritò dixisses, eum quotidie jejunare.  
Flagra & cilicia, vel jam affectâ ætate  
atque valetudine frequens usurpabat.

Virgi-

85.

JACOBVS  
ALVAREZ  
de PAZ Hi-  
spanus.

Virginitatem ab omni vel minus cautæ cogitationis nævo servavit indemnem. Quotidie sese ante sacrificandum per exhomologesim expiabat. Votum à plurimis annis conceperat, nullum se de industria peccatum veniale admissurum.

Divinarum rerum contemplationi mirifice fuit deditus. Viginti quinque & eò amplius annis, tam arcta cum Deo mentis conjunctione devinctus egit, ut nullis unquam negotiis cum gubernatione conjunctis contigerit, eam vel minimum intercipi. Hinc rebus omnibus promptus interesse, libros de profundissimis mysteriis summa facilitate dictare, suavissimis semper affectibus abundare, excellentissimos formare conceptus de Divinis rebus. In summâ, D̄o semper præsente fruebatur.

Ita comparatum morbus lethalis invasit. Quare mox totius vitæ confessionem instituit, & reliquis cupivit instrui Sacramentis, quamvis dehortantibus Medicis: denique Ecclesiæ precibus agoni accommodatis voluit adjuvari. Ubi ad solenne carmen: *Proficisci* *Anima*, deuentum est, negavit, horam esse proficisci, verū le tempori admoniturum. Interim lubere cum D̄o tantisper secretò agere, cuius præsentissimam tunc opem sentiret, & quicum suas delicias tunc haberet.

Nec

## AMATRIX CRVCIFIXI. 145

Nec multò pòst accenso cereo, CHRI-  
STI de CRYCE pendentis sigillum te-  
nerrimè per VULNERA dissuaviatus pla-  
cidissimè expiravit , die xvii. Januar.  
Anno salutis m. DC. XX. ætatis LX.

Litt. Peru. Coll. Potosi. Elog. Vit. B. S.

## V I.

## AMATOR CRVCIFIXI

*Provocat & impetrat extremâ suavia-  
tione sua complexum Crucifixi.*

JOANNES CARDIM, Lusitanus, post-  
quam spretis luculentarum heredita-  
tū ad quas ultrò accersebatur, tabulis,  
repudiatis lautè dotatis connubiis, spem  
Regiae beneficentiae majorum suorum  
nixam obsequiis, & Regis pollicitatio-  
ne aspernatus, Societatem JESV est in-  
gressus , omni virtutum religiosarum  
genere excelluit ; sed non diu vitam  
produxit , quam egregius CRVCIFIXI  
Amator illustri dōcumento amoris reci-  
proci conclusit. Res ita narratur in vita.

Auspicatus erat optimus Religiosus  
rerum corporatarum contemplationem,  
cùm nescio, quā præter solitum dulce-  
dine perfusus , excitari se profunda re-  
rum cælestium, ac D̄I coram intuen-  
di cupiditate persensit , & indies ea de-

86.

JOANNES  
CARDIM  
Lusitanus.

G sideria